

Sukum 2018 di UMP

180 Sukarelawan UMP siap bersedia

NIK AMIRULMU'MIN
NIK MIN

KUANTAN

Seramai 180 sukarelawan terdiri daripada kakitangan dan pelajar Universiti Malaysia Pahang (UMP) menyertai Program Persediaan dan Pemantapan Sukarelawan Kejohanan Sukan Antara Staf Universiti Malaysia (Sukum) 2018 bermula 10 hingga 18 Ogos depan.

Sukum 2018 bakal menyaksikan lebih 2,000 atlit dan pegawai sukan berkampung di UMP.

Pengarah Pusat Sukan dan Kebudayaan UMP, Abd Rahman Safie berkata, UMP menjadi tuan rumah peng-anjuran Kejohanan itu tahun ini.

Menurutnya, program boot camp yang disertai su-



Abd Rahman bersama sukarelawan yang mengikuti Program Persediaan dan Pemantapan Sukarelawan Sukum 2018.

karelawan terbabit merupakan persediaan dan pemantapan sukarelawan Sukum dalam konteks pengurusan penginapan atlit, teknikal, pertandingan, logistik dan lain-lain.

"Selain itu ia juga bagi memupuk semangat kesukarelawan kakitangan dan pelajar UMP dan memastikan semua acara diurus dengan baik," katanya.

Abd Rahman berkata, kelancaran kejohanan Sukum memerlukan kumpulan sukarelawan yang mantap dan semangat ukhuwah yang tinggi.

"Saya berharap barisan sukarelawan ini akan memberikan khidmat terbaik bagi melancarkan Sukum 2018 yang julung kalinya diadakan di UMP," katanya.

Sementara itu, Pengurus

Jabatan Jaringan Industri dan Masyarakat merangkap Ketua Sukarelawan Sukum 2018, Mohd Raizalhilmy Mohd Rais berkata, semua sukarelawan sudah bersedia menggalas tanggungjawab besar sebagai duta kecil UMP untuk kejohanan itu nanti.

Katanya, peserta telah menimba banyak pengalaman dalam perkongsian tugas sukarelawan, latihan amali

dan tugas berkumpulan mengikut jawatankuasa yang disediakan.

Menurutnya, ceria, berbudu bahasa, semangat dan toleransi perlu dalam menangani situasi yang bakal di tempuhi menjadi keutamaan buat mereka yang dipilih sebagai sukarelawan.

Bagi pasangan kembar, Fadhil Ashraff Ab Rahim, 24 dan Fadhli Ashraff Ab Rahim

info

Lebih 2,000 atlit dan pegawai sukan berkampung di UMP

yang menyertai sukarelawan Sukum 2018 teruja apabila dengan peluang itu.

Bagi Fadhil, peluang itu amat berharga untuk mereka berdua dalam memanfaatkan cuti semester.

Sebagai peminat sukan memanah, mereka berdua tidak akan melepaskan peluang menyaksikan sendiri acara memanah semasa kejohanan nanti.

Turut hadir, Pegawai Belia dan Sukan Kanan Universiti Sains Islam Malaysia (USIM), Nur Ekmal Bukhari dan Pegawai Kokurikulum Universiti Teknologi Mara (UiTM), Ku Hadzril Jeffrey Ku Hamzah.

Sukum 2018 bakal mempertaruhkan lebih 300 pingat dengan 17 acara sukan dipertandingkan antaranya bola sepak, bola jaring, tenis, olahraga, basikal, badminton dan lain-lain.